

31.03.2022թ.

349-83

Երևանի քաղաքապետ Հրաչյա Սարգսյանին

## Տեղեկություն ստանալու հարցում

Հարգելի պարոն Սարգսյան,

Ի պատասխան Ինֆորմացիայի ազատության կենտրոնի՝ 2022 թվականի մարտի 28-ին ուղարկված տեղեկություն ստանալու թիվ 349-79 հարցման՝ Քաղաքապետարանը մարտի 30-ին ուղարկել է պատասխան գրություն, որում նշված է, որ «... **հիշյալ հողամասի նկատմամբ առկա չէ պետական գրանցում, որտեղ պետք է նշված լինի հողամասի նպատակային նշանակությունը**»: Տեղեկացնենք, որ Ինֆորմացիայի ազատության կենտրոնում առկա է ՀՀ կադաստրի կոմիտեի կողմից տրամադրված տեղեկանք այն մասին, որ «**01-001-0450-0018 ծածկագրով հողամասի նպատակային նշանակությունը, ըստ 2009թ. 1517-Ն որոշման՝ բնակավայրերի է, իսկ գործառնականը՝ բնակելի կառուցապատում**» (Կադաստրի կոմիտեի տեղեկանքն ու տարածքի հատակագիծը՝ կից):

ԻՆչպես նաև նշենք, որ Քաղաքապետարանի կողմից տրամադրված պատասխան գրության մեջ անդրադարձ չկա հարցման 4-րդ հարցին: Ուստի ՀՀ Սահմանադրության 42-րդ և 51-րդ հոդվածների և Տեղեկատվության ազատության մասին ՀՀ օրենքի 6-րդ հոդվածի համաձայն՝ խնդրում ենք տեղեկացնել, թե, հաշվի առնելով «Տեղական ինքնակառավարման մասին» ՀՀ օրենքի 43-րդ հոդվածի 4-րդ և 5-րդ կետերը՝ ինչ միջոցառումներ է ներկայումս ձեռնարկում Երևանի քաղաքապետարանը այս ապօրինի հոդօգտագործումը կասեցնելու ուղղությամբ:

Խնդրում ենք տեղեկություն ստանալու հարցմանը պատասխանել Տեղեկատվության ազատության մասին ՀՀ օրենքի 9-րդ հոդվածով սահմանված կարգով և ժամկետներում:

Ուշադրություն: Խնդրում ենք հարցմանը պատասխանել բացառապես **էլեկտրոնային եղանակով**:

Հարգանքով՝

ԻԱԿ նախագահ Շուշան Դոդոյան



**Ինֆորմացիայի ազատության կենտրոն (ԻԱԿ)**

ՀՀ, ք. Երևան, Բուզանդի փող. 1/3, 4-րդ հարկ, Հեռ +37491407836, Էլ. հասցե՝ [foi@foi.am](mailto:foi@foi.am) Կայք՝ [www.foi.am](http://www.foi.am)